

Eerst Wiehnachten as Heid

Man sall ja nich so vööl van sük proten. Van sük düren blot Lüü proten, de heel wat besünners maakt hebben: To 't Bispill up de Mount Everest klautern, de Jakobsweg wannern of anners wat. De düren denn driest van sük proten un daar sogaar en Book över schrievén. Well ok noch van sük proten dürd, sünd süken, de wat Schofels beleeft of en stuur Schicksaal hebben. De Lüü, de dat lesen, intereseert dat, umdat se bliede sünd, dat se so wat Schofels nich sülvst beleeft hebben. Of se fragen sük, wo se reageren deen, wenn se so wat beleven deen. Ok wenn se sük dat nich wünsken. In en bestimmte Fall will ik mi unner disse Lüü reken, denn ik hebb in en Punkt ok en stuur Schicksaal.

Ik bün nu negenundartig, man dat Wiehnachtsfest, wat nu kummt, is eerst mien negenundartigste. Egenlik harr dat al mien 40.

Wiehnachtsfest wesen kunnt. Is 't aver nich. Denn: Ik bün up d' 14. November 1982 geboren, man eerst up d' 9. Jannewaarje 1983 dööpt. Dat bedüddt: Bi mien eerst Wiehnachten, also Wiehnachten 1982, weer ik noch Heid. Dat heet, mien Ollen hebben mi um mien eerst Wiehnachten brocht. Un dat Leepste is: Nüms hett dat bitlang intereseert.

Normalerwies muss ik mien Ollen verklagen. Ik kunn mi ja nich wehren, ik Blood. Ik weer ja man so lüttjet. Ik kunn ok de Pastoor verklagen. Villicht harr de gien Dööp-



Wilko Lucht

terminen mehr freei, umdat in d' Harvst so vööl Kinner geboren worden. Man deit hum dat van sien Schuld entlasten? Of ik gah futt na Amnesty Internatio-

KOLUMNE

Moin, Moin
Schrievers moje
allerbest **Spraak** hoop
Pläseer **Vertellsel**
Smüstern

Platt maakt

nal. Man ik will nu utscheiden mit Schellen. Mi hett ja nüms mit Arg um mien eerst Wiehnachten brengen wullt. Is natürelk en unkommodige Tied, nettakraat sess Week vör Wiehnachten geboren worden. Un mitkregen hebb ik van de hele Bodel so of so nix. Last hebb ik d'r naderhand nich van hatt.

Ik bün daar ok eerst Jahren later up komen, dat ik um mien eerst Wiehnachtsfest brocht worden bün. Man kann 't ok so sehn: Dat kann ok sien Vördelen hebben, wenn man 't as lüttjet Kind noch nich all mitkriegen deit.